

乾隆杭州府志

杭州府志卷三十四

冢墓二

義塚附

仁和縣 附義塚

漢 桃俊墓 在臨平墳壇歷然苗裔猶存鄉近時聞聲

角之聲故人不敢侵毀之皆呼爲桃司命冢錢塘杜京產

先與隱居共有詩咏以贊述斯德

真誥稽神樞

晉 刺史陳頊墓 在臯亭山下頊會稽人仕東晉嘗使

北羈留三年仗節不屈歷青揚荆廣四州刺史卒葬此山

因廟焉

大清一統志

古亞父塚 在臯亭山亞父陳重生有神異壽百餘歲而

終今顯靈其地有禱皆應世傳爲亞父塚

咸淳志

唐 贈禮部尚書謚文褚無量墓 開元庚申歲正月薨

于長安崇仁里之賜第粵某年仲冬歸柩于臨平山之舊

域

文苑英華

據舊唐書臨平湖爲褚公舊里故冢墓亦在此也

神州古

史攷

蘇題褚公神道碑銘昭昭府君生代叶期儒有斯文帝王者師探幽典墳贊道雍熙其德彌芬共慕益祗訓由老成業以恩屢資孝是悅資忠是務禹嘗獻著光不言樹專聖之學啓書之賦六經芳兮七命章戴頌頌兮服煌煌無還齡兮有去光未飭杖兮款萎梁宸極復兮門人慕悲風起兮轅馬顧背西疇兮卽東路路阻修兮日悠悠旂旆息兮空山秋吾見業可久而名不朽者猗那褚侯猗那褚侯

按無量曾祖仁宏陳始興王法曹參軍暨陽令祖範豫

章郡丞父義宗贈持節使和州刺史據碑云無量耐墓
舊域則仁宏以下已有葬臨平山者矣

司勳員外郎杜牧墓 在南山東南與佛日山夾境名杜

牧塢有數古塚

咸淳志

樊川自撰墓銘終于安仁里葬于少

陵司馬村先塋是墓在西京此杜牧塢疑其出牧睦州及

湖州刺史時所經別業也

神州古史攷

民部尚書吳公約墓 在桐扣鄉

舊志

羅隱撰神道碑銘吳山蒼蒼吳水泱泱降生英靈爲公爲
王以嚴師旅以奠封疆派而別者武亦鷹揚取直之功捍
禦之績雖從本軍實展良畫踐履禁旅光揚事速乃自西
任遷于硤石上君東伐諸將西征賈以餘勇資乃銳兵稽
山霧廓京口波清再從貂冕始拜冬卿吳會紛紜淮右奔
競驅其凍餒犯我疆境躬勵精卒恭奉上命雪際松貞風

中草勁元戎承制聖王酬勞大起名重司元望高優游渥澤出入官曹所謂雞省全資豹韜恭仰府城載崇吾國惟力是助厥功以舉雲蓋千塚土攢萬杵率以資產役以軍旅乃彌異寵乃正華資大國網紀雄藩羽儀床間牛鬪杯裏蛇疑天胡可測神亦難知有禪于時有功于物一代殊勲二品清秩不謂不達何獲何失瑞馬神羊金箱玉室

宋 趙王墓 在臨平鎮西八里黃山不知何王按鮮于

樞遊記宋宗屬恭憲王子令矚官太僕子孫居臨平云其

裔至今尚存所謂趙王豈卽恭獻耶

仁和縣志

福王墓 在塘棲西南隅未攷何名

嘉靖仁和縣志

六妃墓 在塘棲福王莊側宋有六妃子葬于此

舊浙江通志

郎中蔡準墓 蔡太師父準葬臨平山山有駝形術家謂

駝負重則行故作塔于駝峯而其墓以錢塘江爲水越之

秦望山爲案

老學菴筆記

宣和中蔡京葬其父于臨平及京敗

或謂此山爲駱駝飲海勢遂下本路遣匠鑿破之其地至

今有開鑿之徑

癸辛雜志

準仙遊人官郎中

宋詩紀事

少宰謚文憲劉正夫墓

在石姥山之西北真珠塢

咸淳志

按通志承仁和縣志以劉琦劉正夫二墓並載宋無劉琦當是錡之訛而劉錡墓在錢塘定山茲不重載

東京留守謚忠簡宗澤墓

在臨平鎮宗家橋

大清一統志

在鎮北一里亦稱宗丞相墓

仁和縣志

按宗忠簡公歸葬于京口之峴山曾懋爲文誌墓此臨平鎮宗丞相墓相傳爲忠簡公仁和志亦有疑辭姑存

傳聞之舊耳

太師平樂郡王韋淵墓

葬崇先顯孝寺

曹松隱集

韋淵顯仁

太后季弟也建炎初遷親衛大夫寧州觀察使太后將入境封郡王令逆于境上從歸卽令致仕賜第詔奉朝請卒

贈太師子三訊謙讜謙好學能詩官至節度使

宋史外戚傳

少師諡文定葛邲世墓

在五林港西南傳稱葛墩

萬歷舊志

郭丞相墓

在塘樓東北隅未攷何名

嘉靖仁和县志下同

鍾學士墓

在肇元鄉未攷何時何名

翟僕射墓

在臨江鄉墳壇歷然隆起仞許周約二畝餘

存古松六七株松下臥片石有刻文曰翟僕射祭臺旁更

小字二行漉漫不辨故老但云宋人莫知名字

良山雜志

古丁母塚

丁蘭母死刻木事之如生塚在姥山之東一

名桐扣山

咸淳志

劉向孝子傳孫盛逸人傳俱云丁蘭河內

野王人其母冢何由在杭前無可證神州古史攷云丁母

冢者其子刻木事母近于丁蘭頗得之疑卽因蔡汝揆木

娘事敷衍也

郭北三山志

沈聖昭丁母冢詩丁墓西山裏蒼蒼一望孤夜臺空落月
神路有啼烏黃草愁心切低雲淚眼枯九原不可作刻木

感吾徒

古木娘墓

在艮山門外太平鄉華林里蔡塘東里人朝

奉大夫通判瑞州蔡汝揆庶母沈氏卒汝揆尚幼父霖用

浮屠法火之汝揆既入仕每傷無松楸之地言之輒泣刻木爲形衣衾棺槨擇地而葬鄉人呼爲木娘墓

咸淳志

按古墓相傳不著時代省志及神州古史攷列劉宋時舊府縣志又以汝揆入明代孝友傳中據其事已見宋志則非明人無疑謂在劉宋亦未有徵也今因咸淳志已載附于宋代之末

元 湖南宣尉于九思墓 于節菴謙之父幼孤貧不能詳其先世所知者黃鶴山有先塋耳節菴長閱黃文獻集有于九思行狀乃知其先之貴

水東日記

敦武校尉鄒世聞墓 世聞字文達登州黃縣人至正初

從討嗣寇得欵附張氏陷姑蘇怒罵棄官屏居硤石卒葬

鳳凰山擔水闕之原

始豐類彙

理問王蒙墓 王叔明住黃鶴山今其墓尚在山下

萬歷舊志

陶宗儀弔王黃鶴詩文物三株樹人才五鳳樓世稱唐北苑我謂漢南州大夢麒麟化驚魂狂狂愁平生衰老淚端

爲故人流

皇姑墓 在臨平南明因寺東元太師巴延甥女薩巴葬

此相沿以爲皇姑云

仁和縣志

明 滕縣知縣平顯墓

在洛山

嘉靖仁和縣志

徵士陳雍墓 在獨山東原刑部主事夏時正撰銘

成化舊志

雍與父士寧不事榮利人稱世隱父子俱葬獨山

兩浙名賢錄

保安州知州傅潤墓 在焦家橋僉事王琦爲銘

仁和縣志

處士胡祺贈吏部右侍郎胡嵩墓 並在臯亭山東赤土

滙郭北三山志祺字允祥號耕樂季父德無辜被逮走闕下擊

登聞鼓訴之得從末減由是義聲動鄉里嵩字文昭號守

約事父祺以孝著稱後以孫世寧貴贈官

姜南胡氏家傳

贈浙江都指揮使王瑛墓 在臯亭山

成化舊志

雲南布政使丁養浩墓 養浩謝政家居時至超山游覽

既卒嗣子之喬卽此山擇地葬焉

嘉靖仁和縣志

都御史張本墓 在仁和縣鳳凰山報國寺旁

舊浙江通志

南京禮部尚書諡文昭江瀾墓 在妙因山原正德六年

諭葬 萬歷舊志

辰州府知府何灝墓

在鳳凰山其子侍郎公祔

嘉靖仁
和縣志

南寧府知府汪獻墓

在舉亭山

舊浙江
通志

河南按察僉事江暉墓

在妙因山少保胡世寧撰誌銘

仁和縣
志下同

山東右叅政江玘墓

在妙因山少師李東陽撰誌銘

太僕寺卿諡康僖邵銳墓

在縣東北超山

大清一統
志

興化府同知馬廸墓

在臨平山

嘉靖仁
和縣志

袁州府推官陳方墓

方字以義應天尹良器之孫中嘉

靖辛卯鄉試歷成都袁州二府推官葬舉亭山原

舊仁和
縣志

工部侍郎陸杰墓 在牛山有冬曹大臣石坊里人所謂

陸家牌樓

仁和縣志

杰字元望平湖人正德甲戌進士授兵部

主事諫南巡廷杖官終工部侍郎

明詩綜小傳

處士周易墓 在黃鶴山朱頂峯北麓妻妾孫宋合葬

李維

楨撰墓志下同

麗江府通判周令德墓 在黃鶴山妻徐氏合葬

處士柴應槐墓 在臯亭太師塢

柴氏家譜

沈孝子墓 孝子沙村人其名不傳萬歷中江水暴漲高

丈餘母隨水漂去孝子號慟躍入洪流求母明日于瓶窰

鎮逆流上三十里還至沙村二人並死矣里人駭異收葬

之至今沙村傳有沈孝子墓

舊浙江通志

錦衣江元禊墓

在三峯山

仁和縣志

副都御史贈尚書陳祖苞墓

在黃鶴山

舊志

祖苞晚年構

精舍自娛額曰斐菴又嘗自號黃鶴山樵既卒卜地于此

及購丙舍有斐堂人以爲有預兆云

仁和縣志

國朝

南康知府錢喜起墓

在劉墳村

舊志

封監察御史顧大觀墓

在臯亭山迤有石坊

仁和縣志

處士沈謙墓

在臨平山西

郭北三山志

毛先舒誌銘鎮西山英鬱哉佳城宵竚是宅幽人之貞嗟麟不可脯鳳不可羹道在則見嘉祥斯徵或見或隱厄于時命激而爲文孔陽且靈辭以立誠其道大宏石鼓之無聲扣之乃鳴

處士沈蘭先墓 在臯亭山

舊志下同

處士胡介墓 介字彥遠死無子其方外友天童桂公葬

于佛日之右

左都御史吳涵墓 在臯亭山之佛日塢

浙江通志

封按察僉事錢瓚墓 在臯亭山下

仁和縣志下同

孝廉柴世光墓 在龍池墩西南當春月桃花爛熳杭人

出遊半山者每向柴墳停橈

孝子查魏旭墓 在臯亭山麓

浙江通志

贈大學士梁萬鍾墓 在鳳凰山報國寺南

梁氏家譜下同

翰林院編修

贈侍講梁啓心墓 在錢糧司嶺

贈中憲大夫刑部河南司郎中姚廷錫墓 在萊河橋東

姚氏

家譜

刑部侍郎陳論墓 在臯亭山由海寧菩提山遷葬

陳氏家譜

同下

贈中憲大夫陳世倬墓 在桐扣顧陳村

封朝議大夫趙聖善墓 在鉢孟潭

趙氏家譜

太僕寺少卿程燾墓 在佛日山

王際華撰程九峯墓誌

贈太子太保兵部尚書直隸總督周承宣墓 在干墩村

義塚 附

會保六畝義地前巡撫黃叔琳捐置

清泰門外會保區藍家場老義塚地

武林門外一都十六畝常平倉義地

太平八圖義地

臨江十一圖義地

鳳山門外似蘭區義塚士民馮尚志等捐置

一都五畝義地紳士鄭羽達捐置

蔡家兜義地

臨江十畝義地

似蘭區井園義地

涇澤園義地

梵天寺義地

太平四箇義地

似蘭區西有所歸義地

鳳山門外潘家園義地

太平四箇薛婆梵義地

似蘭區糞箕梵義地

趙弼園義地

李子園義地

普同塔義地

顧家園義地

東有所歸義地

徐家園義地

似蘭區土山義塚

廣孝阡義地

老義塚地

梵天寺義地

會保四畝義地

謝村三都七畝城頭義地

會保六畝義地乾隆元年捐置

太平二畝義地乾隆元年捐置

二十都七畝折田義塚署海防廳胡啟敏捐置

似蘭區荒山義塚士民朱遠平捐置

艮山門外義塚貢生夏綸捐置

一都五畝義塚沈王氏捐置

似蘭區乾橋頭義地士民余昂霄捐置

報國寺前土山義塚里民余程九等捐置

鳳山門外萬松嶺義地進士汪大亨等捐置

二都一畝義地乾隆三十五年奉文作爲義塚

太平五畝義塚乾隆三十九年職員陳廷獎監生俞諫胡

濂捐置

以上義塚計四十一處共地三百十七畝三分六厘四毫

五絲五忽俱已豁糧

仁和縣冊

海寧州

附義塚

吳 翟妃墓 在縣西二十五里吳主孫權妃翟氏葬此

俗呼翟墩

舊海寧縣志

朱一是過翟墩相傳爲吳大帝妃翟氏葬處詩寂寞何年墓人傳埋故妃留題眠塚石行路拾遺璣日落牛羊散月明環佩歸芳魂如不遠一雁逐風飛

三女堆 在縣北二十五里長安鎮覺王寺後或云三女

乃孫權第三女也

成化舊志

墓高三丈周二畝今佛殿侵據其

半嘗海寧縣志

吳志權妻步夫人生二女一曰魯班字大虎前

配周瑜子循後配全琮蔡志載全琮居赤兔嶺則所云三

女卽琮妻無疑

海昌外志

吳本秦三女堆詩二首梵宮鷓尾插層霄荒塚纍纍草色嬌
幾朶白雲松下起老僧扶坐話前朝春游歌馬弔香窻
絲酒頻澆青草根醅酌放歌人去後鶴歸松頂又黃昏

按許氏縣志又載有陸司空女墓在司空廟右相傳陸

遜官海昌其女卒葬此此事於舊無攷

晉 驃騎將軍蘇舉墓

在金牛山北

成化舊志

宋 朱彝墓

在袁花塘南松楸碑版晏然無恙

爲可堂集

趙忭墓

忭爲眞定郡忠憲王彥暉第四子墓在沈山試

箭嶺下其女宮梅附葬

舊志

高隱周肇允墓

在縣東張店

海寧縣志

太守沈景墓

在硤石東山南麓

舊志

景官臨海南陽二郡

守卒葬于此因名沈山

舊海寧縣志

按咸淳志所錄古墓有漢審食其墓相傳在鹽官審山

食其沛入生平未嘗至會稽而審山爲沈山之訛山之

得名實由沈景墓也已見山水卷中

齊徵士顧歡墓

歡卒于剡山還葬鹽官舊墓木連理

出墓側縣令江山圖以表狀

齊書高逸傳

按本傳歡母亡廬于墓次遂隱遁不仕歡之葬蓋附其

母墓故史謂之舊墓也

唐 睢陽太守許遠墓 在縣東北五十里洛塘唐大歷

二年遠子玟招魂葬此 大清一統志 合葬靈德慈儀郡君柳

氏于洛塘讀書林側散騎常侍柳渾撰神道碑 舊海寧縣志

杜確許公墓銘睢陽太守靈德縣君死國曰忠死家曰貞夫婦雙節萬古芳名天子賜葬崇榮厚死散莫同封神安于此鬱鬱洛塘龍蟠鳳翔巍乎奉時地久天長羽林繁祉其福無疆

司馬許玟金吾將軍許現墓 遠二子玟現葬天竺莊雞

籠墩 成化舊志

按天竺莊在洛塘後去遠墓三里曰金吾墩以現官金

吾將軍也俗訛金吾墩爲雞籠墩舊志因天竺之名載

入錢塘誤

太師顏真卿墓 在城東十五里原吉鄉舊志俱不言公

葬海寧今據土人所指如此姑存之萬歷舊志顏公葬于偃師

其苗裔在海寧者衣冠招魂葬之祔以常山太守臬卿舊海寧縣志

志

舒論墓 在縣西南四里舊志

左果毅張希超墓 康熙十一年十一月土人掘地得壙

石有唐故秦州成紀府左果毅張公墓誌云公諱彥超字

少逸其先清河人漢末避地過江遂居于杭州鹽官縣祖

楷陳王府諮議父徵隱遁不仕公卽徵次子也性實惠和

才兼文武行必由本言皆中規以貞元元年五月終于袁花里之私第年五十有七卽以其年十月遷窆于黃堽村

北平原

舊海寧縣志

馬湘墓

在硤石紫微山東園

峽川志

馬自然于宋大中祥

符間卒葬于其家東園明年東川奏梓潼縣有道士馬自然白日上昇詔杭州發其塚止存竹杖

舊志

宋 周府君墓

在縣西淨居院竹園有元祐四年關景

仁作墓銘石刻

海昌外志

太師諡文忠張九成墓

在縣西五里

大清一統志

先生墳

墓在鹽官縣淨居院之側淳熙間邑宰陳恕被史越王之

命奉祝祠祭先生迄今祠板尚榜庭楣紹定間邑令趙汝

船重造墓宇粉飾祠板

于有成橫浦家傳

尚書左丞諡忠簡許景衡墓 賜葬鹽官安義里今呼其地

曰許墳村

舊海寧縣志下同

戶部侍郎蘇衡墓 衡字平仲號白山崇寧甲申進士靖

康未除戶部侍郎紹興辛亥駐節鹽官以疾卒葬郭溪子

孫遂世居溪北里人名曰蘇村

兵部侍郎章之光墓 在硤石西南三里

硤川志

元 戶部侍郎貢師泰墓 在黃岡湖塘里

大清一統志

師

泰卒于門人朱鏈家鏈割地以葬捐田四十畝贍祭

萬歷舊志

王琬謁貢師泰墓詩宦海由來風浪惡月明何處駐仙槎
人間洞府桃源小夢裏關河梓里餘碑碣空題元戶部墓
田猶寄魯朱家殘春下馬
尋遺蹟千古文章野草花

祭酒榮肇墓 在縣東北五十里

成化舊志

按縣志及談氏外志俱云俗稱榮歪頭墓萬歷志云海

寧有元祭酒顧歪頭墓顧疑榮之誤也

敷文閣直學士徐元英墓

在縣東北轉塘

海寧縣志下同

朱澆朱濂墓 在河塘廟側文公之孫百五爲杭轉運使

二子合葬焉道士陸姓守墓俗稱陸道墓

張同知墓

在硤石山

張光弼集

張昱過硤石山張同知墓詩平生好友說張侯紫峽雲深
墓木稠朱綬尚能光世澤黃金元不爲孫謀衣冠南郡成

前輩風月西湖總舊遊過此豈
勝存沒感恨無孤劍掛山頭

知州龔瑾墓

瑾死元節葬安國寺後

舊海寧縣志下同

萬戶馬振墓 在菩提山長生嶺之原劉伯溫擇兆徐大章作記垣砌渾堅古木蒼鬱三百年無改

處士許文原墓

在洛塘樂蘇橋南五世孫劍暨潘貞婦

附葬焉墓側有獨木橋明史載潘憑木渡河卽此

處士查均寶墓

在袁花夾恩橋有統宗祠康熙四十四

年

御賜嘉瑞堂額

明 海州同知許懋墓

在洞孔山洪武四年入覲卒于

京弟晟以柩還葬

揚州知府李貞墓 在馬牧港

朱嘉徵悼大亨墓詩并序李大亨薛文清之師也建文朝以諸生言事官侍御靖難後謫佃玉田宣宗立召拜揚州守卒祀本邑鄉賢而里居邱壠無致與申偶于馬牧港東訪知道墓而故居亦不遠俗稱蠻洞者是裔孫耕牧其中仍玉田初志也因爲詩以弔之先生正節上凌烟石馬秋風不記年長夜纍臣心化碧蘭臺草勅墨仍鮮情繁北闕辭蠻洞世服南疇憶玉田漫道芳風青史在封遺咫尺竟誰傳

處士蘇平墓 在郭溪北

處士蘇正墓 在縣北木場橋左門人張寧題其墓碑舊志

太僕少卿沈升墓 在橫塘舊浙江通志

明英宗諭祭文卿在先朝簡自科目歷官中外勤慎可稱茲以年老終于鄉佐爰用賜祭以示榮恩鄉其有知歸安

泉壤許蛟遇沈太僕墓詩太僕風流異代存當年給札
在金門鮮碑偶亦尋驪客樵採無能禁遠孫蔓草飛花愁
閨絕巢鷓鴣怨黃昏千秋零
落堪如此書舊何人細討論

贈中憲大夫周甸墓 在縣東洛塘南方全村

舊海寧縣志下同

廣州知府周啓祥墓 在縣東北洛塘

孝廉周宗彞墓 在縣東五十里九火廟

隱士周珽墓 在縣東北葉家村字無瑕號青羊隱居硤

川工吟咏善畫晚著廣孝錄諸書

廣東叅政祝萃墓在妙果山

大清一統志

子主事繼臯祔墓

產竹斜紋曰龍竹

海昌外志

副都御史查約墓 在袁化里道人塘之北偏嘉靖九年

諭葬都御史錢宏撰神道碑

萬歷舊志

太僕寺丞祝繼龍墓 在黃山許相卿撰志銘

舊海寧縣志

禮科給事許相卿墓 在妙果山

大清一統志

吳遵許雲村先主墓詩金門早挂冠孤迥隔塵寰光景千年氣東南萬仞山忽驚流水逝應逐白雲還矯矯臨風展斜陽紫

翠問

太常少卿吳遵墓 在審山

硤川志

湖廣道御史董學墓 在包家山獐坑嶺

海寧縣志下同

山東叅政孫子良墓 在城東杏花村

貴州叅政陳與相墓 在東陳廟西南

工部侍郎祝以幽墓 在袁花塘北崇正八年諭葬

舊志

淮安大守許令典墓

在菩提山

浙江通志

沈謙過許太守墓詩太守池亭長綠莎荒原遺碣尚嵯峨
定非習氏文章妙自是襄陽涕淚多掛劍愁雲生冢樹停
鞭落日問山阿不堪鄰笛

風前奏惆悵餘生此重過

海州同知許懋墓

在洞孔山

舊海寧縣志下同

紀善何得舉墓 在縣西一十二里

知縣諸純墓 在長安鎮瑞光橋北

封刑部主事祝洪墓 在龍山

祠祭主事徐寬墓 在城西

山東叅政查煥墓 在龍山北

贈僉事查益同子贈大理少卿查繪墓 在道人塘南廡

鄉賢

千戶呂忠墓 在縣東十五里呂衙莊

贈吏科給事中陳中漸墓 在騎塘橋北

贈刑部員外郎徐翰墓 在碭石審山

井陘道副使朱瑞登墓 在彭墩西

徽州知府朱有孚墓 在石魚徑北

陝川志下同

亳州知州聞嘉言墓 在平山上今稱聞家山

山東叅政查志隆墓 在石燕港

海寧縣志下同

四夷館少卿陳與郊墓 在東方橋西南

弋陽知縣贈工部侍郎祝繼倫同子汝寧知府贈工部侍

郎祝世廉墓 在陸家兜

贈刑部主事祝繼宏同子潯州知府祝世喬墓 在陸司

空廟南

主客員外郎潘陳忠墓 在縣東北胡菴橋

廣西副使朱與翹墓 在西下湖南陳懿典撰誌銘

進士贈御史葛孔明墓 在縣東北余墩廟橋

山東叅政陳元暉墓 在趙家橋西南

兩淮運判羊世道墓 在金石墩西錢家兜

湖廣叅政陳之伸墓 在趙家橋東柳三涇

耆壽楊鐘墓 在南門外臨海塘子贈光祿大夫鸞附兆

儀制主事朱朝瑛墓 在葑涇港

舉人張次仲墓 在縣東四十里達澤村

贈徵仕郎周大謨墓 在縣東北二十五里九曲港

張彥吉墓 在縣東北六十里木場橋南

武庫主事查大緯墓 在袁花東獺魚橋

舉人朱一是墓 在袁花許家石橋

舉人葛定辰墓 在贊山西

車駕員外郎陳祖訓墓 在道人塘北

吏部尚書徐石麒墓 在妙果山

大清一統志

吏科給事中曹履泰墓 在東山嶽廟左

硤川志

沁州知州俞元良墓

在縣南五里涇

海寧縣志下同

邱氏墳

在女兒廟西南邱村昔邱氏富甲里中葬處尚

有華表後里人欲去其石以增葬用數牛曳之不能動聞石下嘆息聲乃止

居貞娥墓

在城北二里橫塘嘉靖二十三年許相卿爲

封樹勒石

烈女吳慶貞墓 在靈泉鄉墓有連理木至今存

按通志錄此墓引據杭州府志今改舊志謂在富陽靈泉鄉而吳爲時代不爲烈女之姓與縣志殊異靈泉自屬海寧鄉名富陽但有靈泉里無靈泉鄉破川志又云

在陝石東吳家木橋以兩志折衷之似當定從縣志通志用縣志之文標府志之目不料其原書之不侔也

國朝

贈光祿大夫陳元成墓

在縣東轉塘

浙江通志

參政與相之子

季曰元成字無爲醇謹退讓好行其德參政引年歸里凡所以娛親之具纖悉畢備參政沒經理喪葬竭誠盡慎又捐已田爲先世各墓祭產曰先大夫志也孫詵元龍貴累

贈光祿大夫

蔣廷錫撰墓志

贈禮部尚書陳之問墓

在袁花塘韓家塔

舊海寧縣志

贈大學士陳之問墓

在祿步墩

浙江通志

兵部侍郎楊雍建墓 康熙丁亥卜壤于縣三十里湯家

峴夫人唐氏合葬

曝書亭集

翰林院檢討潘耒墓 耒吳江人墓在海寧靈泉山赤兔

嶺

送初堂集

贈禮部侍郎查崧繼墓

在龍山西阡

舊海寧縣志下同

刑部侍郎陳論墓 在菩提山

少詹事查昇墓 在黃墩廟

河南河道楊守知墓

在湯家澗

浙江通志

守知字次也康熙

庚辰進士官平涼知府歷署河南河道

陳勳撰墓誌

陝西道御史張曾裕墓

在郭店東包王堯子學錄思問

孫編修爲儀祔葬

舊海寧縣志下同

吏部侍郎俞兆岳墓 在郭店西臚長橋

編修查祥墓 在袁花鳳還嶺

贈禮部尚書許爾倬許必遇墓 在洛塘南戴陽橋爾倬爲父相卜葬于此廬墓不仕後與子必遇俱祔葬

贈吏部侍郎陳祖萊墓 在袁花北打網扇

贈貴州巡撫楊萬年楊斌墓 在郭店後六竈村

江西副使查培繼墓 在龍尾山西竹橋

嶧縣教諭

贈雷州推官祝文垣墓 在黃灣鳳凰山

趙之鼎誌銘

陝西學政翰林院編修加三級祝懋英墓 在盤蛇港表

贈太僕卿俞宜瓊墓 在宣德門外陸家巷

舊海寧縣志下同

高州推官陳殿桂墓 在硤石西南陳村

諸暨教諭張華同弟許州知州張標墓 在朱家橋東北

揚州推官馬麟翔墓 在袁花南茅墩村

雷州推官祝翼亮墓 在袁花大悲橋東

均州知州許逢墓 在洛塘南郎家堰

隆安知縣查大統墓 在袁花蘭玉橋

贈文林郎張邦彥墓 在朱家橋北

贈四譯館太常寺少卿陳之述墓 在北門外宜家橋

南和知縣馬廷贊墓 在黃灣北岳廟山

寶豐知縣楊宮建同子兵科掌印給事中楊存理墓 在

慶善橋北觀燈村孫貢生履元祔兆

贈臨朐知縣張士莊墓 在新墅橋南

內閣學士顧悅履墓 在黃灣

主事張曾祚墓 在朱家橋東

右中允楊中訥墓 在鳳凰橋北

工科掌印給事中陳黃永墓 在麻涇橋

戶部郎中

贈吏科給事中汪森墓 在紫微山麓桐鄉人

思南知府陳祺永墓 在磚橋北

鹿邑知縣楊中楠墓 在縣東三十里河莊環橋

贈陳留知縣許惟植同子阿迷州知州許勉燉墓 在張店

橋西

孫嘉淦撰誌銘

贈遂昌訓導周楷陞墓 在縣東北二十里錢公廟側

舊海寧縣

志下同

豐城知縣周光斗墓 在袁花小虹橋

贈儒林郎胡德光墓 在城東福字塢里傍建祠

齊召南撰誌銘

贈漳州通判張會禮墓 在後岡橋東

舊海寧縣志下同

贈開封府同知張曾祺同子

贈同知思謹墓 在胡菴橋南

安定知縣張映墓 在橫塘

太原知縣沈繼賢墓 在金石墩

麗水訓導許惟機墓 在五湖涇北

汀州知府俞敦仁墓 在慶善橋南

雲南叅政祝宏墓 在袁花石家漾

贈奉政大夫屈希平墓 在大尖山麓平湖入

江寧知縣張嘉論墓 在袁花裘菴東

孝廉周易墓 在州東三十里白渚港西

義塚 附

漏澤園 在縣西北一里半宋圖經云在縣治西南三里
戒壇院之側紹興二年令陳恕重修築牆立門典田三十
畝以其利屬院僧爲斂葬費明初海坍不存正德九年令
曹珪創立大塚于海塘南嘉靖八年復以海坍不存移改
今處每年均徭編審土工一名看守清初建普安塔院僧
主瘞斂順治十三年秦嘉系又于漏澤園側拓地營葬故
官有碑記

長安關北義塚 在十五都九箇地方宋紹熙初令陳恕
易民田五畝爲塚設屋居僧又給田五十畝爲掩埋之資
日久侵廢僅存址三畝二分七厘康熙十一年里民許祚

呈憲捐募開拓榛莽收化枯骨建普同塔五所方外之僧
尼俗姓之男女各有別凡貧民孤客之無地埋骨者可無
投水棄路誠善舉也其地創造僧舍佛殿齋寮澗涵悉備
請額爲竹林禪院漸加莊嚴像設朝梵暮鼓茂林修竹僻
靜可佳爲禪棲勝地又以盧家橋內一帶爲放生池禁止
網捕歸院僧照管

硤石義塚 在審山北舊志山地二十餘畝按硤川志萬
歷魚鱗冊本畝向無義塚萬歷十七年四月奉上公報義
塚因佃借二畝石瀾灘毋字號山地六分四厘一毫橫十
四弓長十四弓積一百五十四弓據此則宋時山北二十

五畝之地久已侵廢石瀾灘故非舊制也

仁孝大園康熙十四年許三禮禁火化申勸各里廣置義塚隨近埋葬因易名爲仁孝大園

富陽縣

附義塚

漢 孫鍾墓

在富陽陽平山

大清一統志

孫堅之祖性至

孝種瓜爲業忽有三少年詣鍾乞瓜謂鍾曰此山下可作冢當出天子君可下山百步許顧見我去卽可葬也鍾去

三十步便反顧見三人並成白鶴飛去鍾死卽葬其地

咸淳

志 堅世家于富春葬于城東冢上數有光怪雲氣五色上

屬于天曼延數里衆皆往觀父老相謂曰是非凡氣孫氏

其興矣

三國志注
引吳書

征虜將軍領豫章太守孫賁墓

在縣西南

咸淳志

吳

紫微黃門侍郎孫瑤墓

在縣西五十里紫微山

高陽

縣志

按萬歷志作宋將軍者非

富春侯郭成墓

在樟巖

咸淳志

中郎將郭據墓

在縣東十里華蓋山

舊志

孫希祖墓

孫皓之子墓在縣南

咸淳志

晉 處士孫晷墓

在慶善鳳凰山

宣德富陽縣志

隋 御史大夫陸知命墓

在縣西

大清一統志

宋 贈戶部侍郎鹽官令謝懿文泰寧軍節度掌書記謝

崇禮墓皆葬富陽

歐陽文忠公集

太子賓客分司西京謝澹墓 在春明之原

萬歷舊志

景祐元

年十月卒明年二月嗣子絳自京師舉柩南歸葬杭州府

富陽縣某鄉合以夫人晉陵郡君許氏而從王父戶部侍

郎府君之墓次

歐陽文忠公集

歐陽修墓銘謝之遠世河南緱氏四代之祖因仕過江卒葬嘉興始留南方曾祖在南佐麗水縣卒又葬焉世亦未顯祖令鹽官始葬富陽凡三遷徙遂寓于杭世久當隆其昌自公富陽之原三世有墓父大于祖子大于父後有賢嗣又有令孫公其安居有祀有承

韓楠墓 在縣東十五里赤亭山北

富陽縣志

按縣志又有宋將作大監李執墓不著所在

少師諡文靖李宗勉墓

在小隱山

咸淳志

處士朱清墓 在縣西南四十里都與山

富陽縣志

元 尚書左丞諡文簡葉李墓 在縣東北謝墓碑灣

入

清一統

志

處士黃公望墓 在廟山

舊浙江通志

明 教授陳觀墓 在縣北十五里

富陽縣志

福建布政司姚肇墓

在禮山

萬曆舊志

廣東左參政何恭墓 在縣北小隱山

富陽縣志

吏部尚書趙新墓 在縣南靈峯漁嶺

成化舊志

監察御史周文墓 在鹿山觀塢其父周昌墓在靈巖山

北富陽縣志

檢討夏賚墓 在漁山西塢

浙江通志

知縣何美墓 在縣北小隱山麓

富陽縣志下同

兵部郎中周美墓 在縣西十五里馬嶺

工部郎中孫坤墓 在慶善良塢

按富陽縣志所錄明代諸墓尚有戶部主事裘穎墓監察御史孫景名墓處士俞膺墓江西僉事葉稠墓訓導孫商偉墓太僕寺卿馬邦良墓文學吳梯墓光祿少卿張作楫墓孝廉周嘉顯墓福建副使陳起龍墓皆不著所在錄

以存其舊

國朝

贈鴻臚少卿邵起元墓

在杜墓茨塘塢

高陽縣志

禮部尚書諡文恪董邦達墓

在南鄉包家圻

義塚

附

查富邑七十五庄除在城之南門二西門三兩庄無設義地其餘七十三庄俱設義地葬有孤塚合共地稅二百八十畝有零俱于雍正七年大丈時丈出餘地詳作義地並無糧

餘杭縣

附義塚

漢 太守諸葛琮墓

在禪山之旁

成化舊志

按咸淳臨安志相傳古墓餘杭有吳夫差墓攷吳越春秋越王禮葬吳王于秦餘杭山注引越絕曰夫差冢近太湖去吳縣十七里非杭郡之餘杭山明矣蓋因淳祐志而誤今不錄

吳 選曹尚書暨豔墓

在縣南由拳山之東

咸淳志

給事驍騎大將軍新豐侯暨惠景墓

在縣東北八里董

含村

咸淳志

偏將軍凌統墓

在縣西北六十里

大清一統志

在止戈鄉

浮里界平原之上遺址尚存

嘉靖餘杭縣志

按太平寰宇記蘇州吳縣東北阜亭山有吳凌統墓墓前有碑今阜亭山實在仁和縣吳縣無此山以吳書考之統實卒于餘杭謂吳縣者不足信也

司徒丁固墓 在縣西十二里丁橋北山之下

萬歷舊志

步軍校尉諸葛起墓 在縣南十五里岑山之麓

嘉靖餘杭縣志

晉常山太守御史尚書俞歸墓 在縣西北三十五里

地聯舟枕山

咸淳志

晉陽太守嚴昆墓 在縣北十五里仇山嘗有白鹿夾墓

之異

萬歷舊志

宋景陵侯吳嘉墓 在縣西北十里仇山

咸淳志下同

按咸淳志景陵侯吳嘉墓萬歷志及舊省志縣志嘉皆作喜而官爵葬地皆同惟今浙江通志作晉陵侯吳喜墓在縣東二十五里爵與地皆不同竟似兩人豈音近而訛耶抑別有所考耶附識于此

侍中王裕之墓 在縣東二十五里裕之字敬宏瑯琊臨沂人嘗爲吳興太守居餘杭縣没于所居之舍亭山

梁 疆陵侯陳法明墓 在縣南十三里唐苑中咸淳志法

明字允明幼好學後察舉孝廉遷桂陽太守陳氏家傳

唐 宗元先生吳筠墓 在天柱山西麓大清一統志筠字

貞節華陰人舉進士不第入嵩山爲道士明皇聞其名遣

使徵至待詔翰林天寶中堅求還山隱會稽刻中大歷中

卒

全唐詩
小傳

鄭章墓

在天柱山

成化舊志

章字博文幼號神童十五歲辭

親學道居天柱山精思院號冲素先生

神州古
史考

白元鑑墓

在大滌洞東北

神州古
史考

元鑑成都府人元宗

幸蜀時爲威儀道士周訪前賢高蹈之躅得餘杭天柱觀

止焉

洞霄宮志

宋 泗州叅軍潘闓墓

在洞霄宮方丈西廡後

舊浙江通志

太子太傅盛度墓

在黃山

餘杭縣舊志

少師王彥洪墓

在同化鄉仙澤界前峯山彥洪越人家

于此卒葬焉

高歷舊志

三槐王祐六世孫南渡後家于餘杭自

少師而下曰資曰元方曰寧曰公道四世皆顯

嘉靖餘杭縣志

紫金光祿大夫趙善墓 在常熟鄉東林西扇宋宗室從

高宗南渡卒葬于此

成化舊志

昭慶軍承宣使趙不惑墓 太宗六世孫紹興二十七年

進士淳熙十四年七月卒贈開府儀同三司封崇國公以

是年十月葬餘杭同化鄉裏山宋宣之原

葉水心集

丞相史玉墓 在縣北東林東扇道明寺墓遺址存焉

舊志

魏國公高遵甫墓 在縣北五里地名魏墓嶺遵甫以女

貴勅葬于此

餘杭縣志下同

廸功郎吳元墓 在縣西三里吳山

常中行墓 在天柱峯下歲久以芟草見墓止空墳或有

謂避遁于茅山者

舊志

元 狄將軍墓 在進賢鄉逸其名

餘杭縣志

按嘉靖餘杭志敘山卷云縣東護國山有護國將軍墓
不著時代姓名附識於此

明 少詹事贈太保諡文敏鄒濟墓 在縣東南五里洪

熙初勅葬仍建祠墓左命有司春秋致祭

舊志

明仁宗御祭文惟卿資稟和易襟懷坦直才德兼有學問
博通誦法孔子兼精元釋文章豐贍援筆立成事朕春宮
多歷年所朝夕左右勤慎小心知無不言愜朕意啓沃
匡輔資益良多今朕君臨天下卿已先逝追維舊德夙夜

不忘茲特贈爾爲太子少保賜諡文敏仍勅有司營建享堂設置墳戶歲時致祭著爲常典用報卿平日相從之厚九原有靈尚其歆暨

太子少保禮部尚書諡康靖鄒幹墓 在鳳山之岡從父

文敏公兆宏治五年諭葬大學士徐溥撰神道碑銘萬歷舊志

雲南布政司經歷吳繼志墓 在蕭王臺其子太冲至孝

廬墓側有馴兔甘露之異舊浙江通志

少詹事吳太冲墓 與父繼志墓並在縣東蕭臺餘杭縣志下同

古神女墓 在縣東南三里安樂山陽

按古神女墓世代姓名無考姑附載于此

贈中憲大夫姚士章墓 在縣南三十里五朝山繼室冷恭

人祔葬

姚氏家譜

義塚

附

宋置漏澤園在縣東七里南渠河之南

嘉靖餘杭縣志下同

元置義塚于安樂鄉徐湖界

明置義塚一在縣東橫濱舖之西部伍橋之東知縣冉繼志爲其地窄復市民地置一所在于顯聖寺之西沙街內
臨安縣

商 大夫錢鏗墓

在臨安縣八百山

舊浙江通志

鏗去官隱

山中享年八百因號其山今墓見存鄉人建廟于下後子

孫去竹爲錢氏武肅王鏐其裔也

嘉靖臨安縣志

踰橫坎次彭安

里有孤冢如堂封或曰是商大夫老彭墓也旁有一碑仆

且泐漫不可讀

名山勝槩

按此墓荒遠難稽而嘉靖志言之鑿鑿姑存俟攷

晉 隱士郭文墓 在縣西南一十五里

九域志

在臨安縣

郭山上

大清一統志

咸和中湖州刺史孔卽立碑

嘉靖臨安縣志

孔卽碑銘高山岑峯潯瀨潺湲巖生林下雲興巖端先生存沒安于此山

按咸淳臨安志引九域志及明成化志俱以此墓繫臨

安惟通志列在餘杭意以晉書稱文隱餘杭山也攷晉

時無臨安其後分縣而文所葬郭山實在臨安今謹遵

大清一統志改正

唐 威勝軍推官錢寬墓 光化三年十一月葬錫北鄉

清風里

吳越備史

按寬爲吳越武肅王父累贈左僕射開府儀同三司守太師中書令追封英顯王見十國春秋

吳越國 武肅王墓 在縣城北二十三步按表忠觀碑

錢氏墓在臨安者十有一今不可悉攷

咸淳志

唐長興三年

三月庚戌堯朝廷詔曰天下兵馬大元帥尚父尚書令吳越國王錢鏐本朝元老當代勲賢位已極于人臣名素高于簡冊贈典旣無其官爵易名宜示其優崇令所司定諡

日武肅詔工部侍郎楊凝式爲碑文應順元年春正月壬

午勅葬王子安國縣衣錦鄉茅山之原

吳越備史

正德間浙江

按察使僉事許讚復墓側侵沒山田入租爲祭費邑長春

秋祭墓知縣廖瑜建外門三楹

萬歷舊志

太夫人水邱氏墓

在縣南

嘉靖臨安縣志

按吳越備史武肅王祖妣水邱氏累封楚國太夫人追

封晉國妣水邱氏累封秦國太夫人追封趙國兩世皆

娶水邱氏此墓未定誰履

恭穆夫人馬氏墓

馬氏安國縣人雄武軍節度使綽女

爲文穆王夫人初封越國加封吳越國夫人諡恭穆葬衣

錦軍之慶仙鄉良山村

十國春秋

宋 四川總領李景翔墓 在靈鳳鄉架子山景翔丞相

邦彥之孫兩淮制置曾伯之父

成化舊志

吏部侍郎俞烈墓 在縣西北八里土橋

萬歷舊志

喻天時墓 在大滌山棲真洞側

嘉靖臨安縣志

按臨安縣志載玲瓏山有朝雲墓攷東坡年譜紹聖三年公在惠州七月朝雲歿有詩悼之自後東坡不復至

杭矣委巷無稽之說不足辨也

元 懷遠大將軍前衡州路總管劉琮墓 在縣東五里

五柳塘灣

萬歷舊志

按萬歷志云姓名缺馬氏志以爲劉琮今從之通志作宋人攷宋無州路總管因仍依萬歷志作元

元素先生王朴墓 在石室之麓

臨安縣志

明知縣俞益墓 在縣東五里靈風莊上山之原

成化舊志

吏部侍郎王直撰表翰林學士李時勉撰誌銘

嘉靖臨安縣志

工部尚書俞琳墓 在琴山嘉靖十年諭葬

萬歷舊志

於潛縣

漢 於潛侯何騰墓 在縣南二十里獨角山

咸淳志

何騰

字叔翔靈帝中平元年從破黃巾賊舉家渡江至於潛牧

亭村居焉詔封牧亭侯後葬于村之溪西

於潛縣志

按縣志所傳之名與爵均與咸淳志殊通志從縣志之
文而引咸淳志于其下今改從咸淳志仍附縣志以備
攷

古關中侯墓 在縣東一里東山塢紹興初謝氏營墳旁
通古塚掘得印一劍一印龜紐金鑲篆文曰關中侯印
咸淳志

按漢建安二十年曹操置關中侯爵十七級金印紫綬
以賞軍功此所葬關中侯疑此時人

晉 叅軍趙悌墓 塚記云墓在縣東十二里舊有墟塚
二十五古溝通人往來泉流不竭石獸之類皆類仆草莽

後人于其地得陶磚二有咸和二年九月叅軍趙悌建立

塚功十四字

名勝志

故老相傳趙宣子墓後卽地得陶磚乃

又以爲趙叅軍墓

嘉靖於潛縣志

何史君墓 宋淳熙八年駱忠翊嗣業創祠山別廟于於

潛縣東一里南陽山獲古塚陶磚有太康五年甲辰何史

君墓十字

咸淳志下同

唐 山東南道從事章成緬墓 在縣南七十里長安鄉

兌口村

章成緬母王氏墓 在治南七十里兌口孝墓村卽孝標

所廬之墓也有紫芝烏鵲糜鹿之異

嘉靖於潛縣志

吳越國 太師吳敬忠墓 在縣南五里豐國後鄉東村

十國
春秋

按嘉靖縣志以敬忠爲六朝梁時人誤

宋 端明殿學士諡忠文洪咨夔墓 在縣北三十五里

大清一統

志 在嘉前鄉

舊志

禮部侍郎諡文安趙景緯墓 在縣北五里唐公山

大清

一統
志

明 松溪知縣張紳墓 在西郭門

於潛
縣志

刑科給事中阮子孝墓 在嘉前鄉西

舊志

新城縣

唐 金部侍郎睦州徐凝墓 在縣西三十五里寧善鄉

桐峴村

成化舊志

吳越國 和州刺史杜稜墓 在縣北三里官塘俗謂塘

中高阜卽其墓址

萬歷新城縣志

太師諡威烈杜建徽墓 在縣西十里袁村

咸淳志

諫議大夫給事中羅隱墓 在縣界徐村之水塢冢碣猶

存梁開平四年沈崧爲誌

研北雜志

按十國春秋謂隱葬新登縣界而陸友仁言其友謝皇甫至新城躬訪所見如此豈因水塢與錢塘定山各有徐村之名而兩傳耶萬歷縣志載沈崧誌文云開平四

年正月歸靈錢塘定山鄉居山里殞于徐村之穴是墓
實在錢塘而陸友仁吳任臣所傳皆未確也新城縣爲
隱故里今姑仍其舊

贈工部尚書孫陟墓 在縣南五里百丈村有祠在墓南

大清一統

志

宋 南康軍判官方公墓 在祥禽鄉百丈山高歷舊志壠久

廢止存墓門一柱萬歷四年修建舒嘯亭得壠石上書官

銜及子方淵名今業主何驥增修墓門萬歷新城縣志

孝子周雄墓 在太平鄉新城縣志

明 贈副都御史方源墓 在縣北三里官塘右甲翠山

高歷新城

縣志下同

贈副都御史方模墓 在縣東五里上汪村金家塢

工部侍郎方廉墓 在縣西天柱山下 大清一統志

昌化縣

唐 羅公墓 在瀟溪之楊村俗號羅公墓蓋吳越給

事羅隱之祖墓 咸淳志

梁 贈太保紫溪鎮遏使饒京墓 在金山鄉首源林木

蔞鬱百尺合抱有犯者必為異物所怖 咸淳志

按十國春秋作饒景成化志列于六朝梁時誤

宋 昌化縣令帥寶墓 在縣治園內東首寶濠州人由

鄉進士蒞任三年秩滿奏最偶以疾歿邑民痛之如喪考

妣父老請其子治家于斯于是遂築墓焉

昌化縣志

鄭秀墓記銘太平興國來茲司牧保我全昌生靈受福罔矣其身傷乎郡屋民不忍捨留殞縣窟卜于治東坐于治北爾子爾孫文武永渥

蘄王韓世忠墓

在縣西四十里義千山

舊志

按江南通志云蘄王墓在吳縣靈巖山西麓有高宗御書碑考琬琰集趙雄所撰墓碑亦作靈巖山不應昌化有墓今錄存舊志仍辨正於此

贈通議大夫玉山主簿章樞墓 在縣南二十里仁山下

恭政楊棟志

昌化縣志下同

監登聞鼓院處州守章樵墓 在縣南二十五里覽村楓樹下

奉直大夫章樵墓 在縣南十五里雲老副竺坪

監察御史陳成墓 在昼溪排山下

舊昌化縣志

福建路轉運使昌化縣開國男章鑄墓 在縣南洪山下

今猶存石人石馬

成化舊志

寧國府同知章鎔墓 在縣南二十里首塢鴻雁嶺

昌化縣志

華文閣待制錢塘縣開國伯章鑑墓 在縣南二十五里

大清一統

志

按宋史有二章鑑其一乃分寧人咸淳十年拜右丞相

與此別

翰林學士徐樾墓 在縣南十五里有墓碑云於戲徐汝

遜先生之墓西陵俞奇徵題

昌化縣志下同

襲開國男章祖義墓 在縣南二十五里覽川梯雲橋

祖義自撰墓銘山盤盤兮竹樹蕭森溪澄澄兮白鷗浮沉
顧瞻中邱兮宛其幽深日惟吾之藏兮條陽負陰訊來世
今誰其知

池州通判贈華文閣待制趙昂發墓 昂發既死國難葬

池州其裔葬衣冠于邑南五十里塘溪趙家坪祖墓之側

元 孝子陳斗龍墓 在縣西四十里義干山 大清一統志

明 監察御史余敏墓 在東章村 舊志

監察御史趙礪墓

在鳳凰嶺

浙江通志

秦州同知葉溶墓

在縣南二十里河村平地

昌化縣志下同

樂安縣知縣胡三極墓 在縣南二十五里赤石

周龍騏謁墓詩自古忠貞表汗青可憐大節付滄溟披肝
瀝赤酬君國破腦流紅濺吏庭不愧典章崇廟祀空勞愚
賤費椒馨祗今惟有西
江月能照安城一片靈

西安教諭姜志宏墓 在縣南二十五里首塢

隱逸戴鈇墓 在縣西七十里十二都

烈女童氏墓 在縣西二十五里烏龍坑

孝女楊氏墓 在縣南四十里董嶺下栢山塢塘角

國朝

孝子章金榜墓 在縣城東門外塢窩道

沈州府志卷三十四終